

## AGOA AMERIKANA

## Hanohana ny fitomboan'ny indostria vaovao eto Madagasikara

Nanambara ny fahavononany i Etazonia amin'ny hampiroboroboana ny sehatry ny toekarena eto Madagasikara, mba ho toekarena lovainjafy sy misokatra ho an'ny fampiasam-bola amerikana ary mitsinjo ny vahoaka Malagasy ny fiharian-karena eto amintsiaka.

"Ny iraka nomena anay dia ny manohana ny ezaka fampiroboroboana ny fanondranana vokatra azo avy amin'ny famboleena amin'ny alalan'ny AGOA" hoy Andriamatoa Paul Colombini, Mpanolotsaina ara-toekarena ao amin'ny ambasadny amerikana nandritra ny fanokafana ny atrikasa fampiofanana mpampiofana tarihan'ny USAID Southern Africa ny alakamisy teo.

"Ny AGOA (Africa Growth and Opportunity Act) dia fitaovana lehibe ho an'ireo firenena toa an'i Madagasikara hidirana amin'



Arikasa momba ny toekarena niarahana tamin'ny Amerikana.

ny tsena amerikana. Manampy amin'ny famorona asa, mampiroborobo ny fampahaleovan-tena ara-toekarena ary

manohana ny fitomboan'ny indostria vaovao." Mamela malalaka hiditra tsy misy haba eo amin'ny tsena amerikana

ary vokatra mihoatra ny 1.800 avy amin'ireo firenena Afrikanina atsimon'i Sahara no mpisitraka azy.

Aly

Lanonam-pamadihana

## Nanararaotan'ny sasany nana-paritahana vola sandoka

Nanararaotan'ny sasany nana-paritahana vola sandoka ny lanonam-pamadihana, tany amin'ny distrikan'Ambohlampy faritra Vakinankaratra iny. Vola sandoka mitentina 3.850.000 ariary no saika hapaniraka tany ambanivohitra tany. Tamin'ny andro alina, tanaty lanonam-pamadihana tany Andriamingodona, any amin'ny Distrikan'Ambohlampy, no nividzavatra: zava-pisotra misy alikaola ny tovovavy iray. Tsikaritry ny mpivarotrafa hafahafa ilay vola 20000 Ar nomeny. Rehefa nantsoina ny zandary dia nandeha ny famotorana sy ny fisavana, ka nahasaronana ireo mpiray tsikombakombasy olona hafa mpanaparitaka azy ireo. Hita tamin'izany ny vola sandoka 20000 Ar miisa 171; 10000 Ar miisa 2 ary 5000 Ar miisa 78. Ny tobim-parity ny Zandarimaram-pirenena Ambatolampy no nanao ny fanadihdiana, ka nahasaronana ireo olon-dratsy.

Stefan



Ireo vola sandoka sarona tany Ambatolampy.

Faha-62 taonan'ny polism-pirenena

## Polisy miisa 700 nanome rà maimaimpoana

Polisy miisa 700 no nanome rà maimaimpoana tamin'ity herinandro ity ao anatin'ny fankalazana ny faha-62 taonan'ny polism-pirenena Malagasy. Izany no natao dia fanampiana ireo mpira-belona mila izany. Toy ny mahazatra sy efa fanaon'ny Polism-pirenena isan-taona ny fanomezana rà maimaimpoana ho an'ny Minisiteran'ny fahasalamana. Izany hetsika izany dia tafiditra ao anatin'ny fanamarihana ny faha-62 taonan'ny Polism-pirenena ary mifanarakana indrindra amin'ny teny filamatry ny Minisiteran'ny filaminam-bahoaka dia ny "Polisy miaro sy manampy vahoaka".

Miisa 700 ny fianakaviambeny Polism-pirenena



Polisy nanome rà tamin'ity herinandro ity.

nanome rà, notarihin' ny Minisitry ny filaminam-ba-

hoaka, Inspecteur Général de Police Randrian-

son Fanomezantsoa.


Aly

FJKM Tranovato Faravohitra

## Antsam-panahy hiram-bavaka no hanamarihana ny faha-100 taonan'i Rado

Antsam-panahy hiram-bavaka no hanamarihana ny faha-100 taonan'i Rado: mpanoratra sy poeta Malagasy nalaza. Noho ny fanamarihana izay faha-100 taonan'i Rado na Georges Andriamanantena izay ny taranany no hikarakara io antsam-panahy hiram-bavaka io: rahampitso alahady 01 oktobra 2023 amin'ny 04 ora sy sasany ( sady andro nahaterahany io ), ao amin'ny FJKM Tranovato Faravohitra ( tao no fiangonany fahavelony ).

Isan'ireo hiram-pivavahana noforoniny izay hita ao anaty boky hiram-bavaka (hivoaka tsy ho ela) ny : Gaga, Mamiko loatra, Mainka koa, N'inon'inona hitranga, Mba tantanonao ry Raiko, Aza avela, ... no anisan'ny hiraina amin'io fotoana io. Tsy misy vidim-pidirana fa raktitra no ho tatazana.



Belgique, Pays, Luxembourg (Benelux)

## Nanomboka ny taom-pianarana kabary Malagasy



Fanokafana ny taom-pianarana kabary Malagasy tany Luxembourg.

Nanomboka ny herinandro lasa teo ny taom-pianarana kabary Malagasy 2023/2024 any Benelux, na Belgique, Nederland na Pays-Bas ary Luxembourg. Mpikarakara izany fianarana kabary izany ny FIMPIMA Benelux, na ny Fikambanan'ny Mpikabary Malagasy any amin'ny faritr'i Europa iny. "Izay mitambatra vato", izay no teny filamatry ny sampana FI.MPI.MA. Benelux, tarihan'i Hery Rasoamanana. Tany Eschdorf-Gd Duche Luxembourg, no nanaovana izao lanonam-panokafana izao. Nisolontena ny Masoivoaho Malagasy, ny Mpanolotsaina Voalohany, Andriamatoa RATSIMBAZAFY Eric mivady. Nankasitraka manokana ireo mpikambana sy sakai-zan'ny FI.MPI.MA. monina amin'ny faritra Luxembourg ny mpikarakara. Nanafana ny lanonana ny tarika "Ravinala". Mbola hisy ny hetsika hataon'izy ireo ny sabotsy

28 Oktobra 2023: alin'ny mpikabary.

Niaina

Rado, na Georges Andriamanantena.